

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部

第二六七冊

責任編輯：孫言誠 賀 偉

ISBN 7-5333-0535-3



9 787533 305352 >

2586/05

四庫全書存目叢書·史部二六七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 44.5 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二六七冊目次

史部・政書類

皇明經世實用編二十八卷首一卷續集二卷

〔明〕馮應京輯
北京大學圖書館藏明萬曆刻本

.....

皇明經世實用編二十八卷

首一卷續集二卷

〔明〕馮應京輯

北京大學圖書館藏明萬曆刻本

附《四庫全書總目·經世實用

編二十八卷》提要

經世實用編引

經世以遺衛道以經三者天之象
緯人之絲綸皆華也而體一實體
卽乾卽元亨利貞實可育實可
長實可肅殺而收藏乃所謂經也
吐此經者遺世雜此經者卑世
盤此經者亂世竊此經者惑世
豈世負用二負實也華惟實則
果苗惟實則粒實不勝則朽質
矣敦本尚實無漫誇三五蓋我
高皇帝令甲具在三十季間破雕
斲觚而貞百度犁然日星竅繫
表章紫陽躬體乾健懿哉萬禩
爲經已波之濡也浸假咎寐初
猶襲虛爲實繼且擯實爲虛吏
蔑祖訓而談揮霍儒苦考亭而

經世實用編引

勦玄同譬翦艸爲花本根撥矣間
勒旂常厠俎豆要亦山饌海錯難
與布帛菽粟等用也季友馮僉憲
同華何諸氏編經世實用大都稟
祖訓爲律令輓近沿革附之末張紫
陽旗鼓匪直討掌故實訂治統道
統而翕于一也夫經喪世憂在經
世喪經憂在世疇尸其柄而圜靡
累臣矢志編摩視離騷之賦尚書
之授禪用誰實哉用之目分元亨
利貞用之綱歸乾庶幾演易遺旨
矣嘗觀太上用世其次爲世用爲
世用者元亨利貞也待用乃用
世者乾也不用亦用不用之用猥
云賜環是編恢三矣以用爲用者
居某職考某編而自課實不實也

猶免堅瓠之誚也夫馮君勁節矯
脩余何敢望其藩獨斤紫陽而
以學製也則臭味稔也因
詔獄中乞余爲序余不文亦道其實
而已 嘗

萬曆甲辰夏至之吉

南京禮部儀制清吏司郎中臣汪
國楠謹書于蘭臺公署

經世實用編叙

夫古而今今而後繩繩不窮者也也以天下之才興天下之治者經世也人認七尺為身不知徧世皆身知徧世之皆身則經世正所以修身矣身乾體也體仁以長人嘉會以合禮利物以和義貞固以幹事妙用於是乎行焉大都言為虛動為實心為虛行為實實之不存虛將焉傳孔無樂乎空言孟無取乎徒善要歸於尚實而已較近取士以文詞任官以資格蒞政以簿書講學以空寂四者皆涉於虛然斯世泰寧無事有為敷蓄垣墉樸斲者存焉爾我

自序一

太祖躬膺上智二十年定天下三十年致太平日處處焉舉逸民體群臣厚人生正人德故其流澤遠也儀刑具在方冊不磨其百慮之準繩萬事之矩矱乎臣子陳謨布政乃忽舊章而自行其臆試反其聰明其間歷有太祖萬分一乎夫有我者物也無我者神也昔

太祖作法亦惟是體悉人情斟酌古道而弗率

由者乃生於有我儻忘我以為天下遵無則

而不以意叅之夫然後有實用此致虛之極

妙萬物而神矣升高而望順風而呼世其重

有攸賴乎臣不佞謹按時事追惟

祖德與鄉之士楚之士同患之士共討論之久

而成帙命曰經世實用編若有合乎衆論與

否不自知已

萬曆三十有一年夏六月穀旦臣馮應京謹題

實用編

自序二

汪萬頃梓

經世實用編序

夫功卓於開天德極於酌古至成未前之緒而商今古以準中赫哉我

高皇帝之聖也蓋道相傳而為治自襲有統也唐虞昉焉煥起于文王周公至素王會極而訓証於朱子乃斟酌而實用之則大行于

高皇帝其垂許以堅萬葉者鑒于聖淵猷而後著為令以故泰山二百餘年夫誰不偉其功寧亦知其道德法度振古而無兩也制徂而湮時窮則變駸駸乎委頓將中天之日豈能駐於方吾邑馮公素憤之既通籍卽畢意以矢公作求所為榮懷天下者乃得諸

祖憲讀

序

國初功令瞿然起色也曰嗟乎越

本朝而寧有治哉因不鄙允恭協以圖

國故詳蒐廣証期實用編成爲經世先資若次及于事能收其掌上之用大要如我

明興時其筌宰閭閻難于一德之契精周百務懋六職以樞之夫安能獨振所需者賢耳賢格于制科甚有

遺俊

累朝薦辟令典光于冊何不亟行以羅異才材之於位

矣積以年而課其成更超擢以爲久者報寧不真心爲百姓遠謀出厥力衛

社稷故凡彊理保定作生人之依而懋其張皇克詰之績治乃不遜于隆矣由此紹關道直以釀出閭閻

三才與蘊今君子不困於曉焉而一取鵠于紫陽庶幾鴻茂昌明之化乎然皆韋弦

高皇帝且按其已試之掌故爲明徵彼三十年歲定首舉前代疎虞悉深鑒其弊靡纖隙而不塗矣卽後聖豈能再刊故其道化蒸蒸人文輩出如易牙平五味百體受其滋而含茹爲常返他腴於舌其綱紀萬方而式靈於永者如漢通天臺臺土木重輕無錙銖相負然漸摩久矣亦稍失其初故今所期于對揚者不啻詳復惟導

令甲稟

聖真以母失當年至意復取名賢肇畫足以裨

國憲而切時幾用起比歲之積痼豈但母影說亦母爲實用編

序

遠稽載其灼有成效而永可則者爲今日寶証噫吁公其腐心於

國家乎公爲司馬時偕允恭肇此議命允恭編彙公手裁之已而按楚中稍稍舉行楚卽報治適中貴人橫

於江漢公不顧於所中而爲楚人請一旦之命

天子以單辭遠公廷尉卽收中貴人公怡然歌

聖明而幽處甚暇得研精于裁酌務期魂謨克備可以夾

我、明家而成萬年有道之長用風於

當代君子使君子同心憂國取諸此以又今之天下而

爲瑞于 宗廟社稷一還

高皇帝之舊嗚呼休哉

萬曆癸卯季秋九月既望之吉盱眙臣姚允恭

經世實用編又叙

余友馮伯子之為經世編也蓋從周而
邇先進學古而宗真儒其體該其用實
其考核無所不確而于理境事境無所不洞
朗源委紆曲臚樹如星噫嘻難矣乃伯子局
束園扉中偕友數輩忘歲月忘寒暑并
忘胥靡樂憐狀凡閱三稔而編告成抑又難
矣叅訂就帙函而付之李呈芬氏曰若為
我董剗剗縣國門書以俟能者實用之猶
吾用也剗剗之後甫竣屬有天幸雨露忽
從燕門來解網生還望其故國舊丘真
觸蠻一大夢也伯子歸思以是編什一之
緒型范里巷與其族子言孝弟與其
社子言齒讓溪山衡泌若將終身天假
之年惡知泗水之墟非河汾里邪則柰何
伯子之亟騎箕歸玄冥去也說者曰伯子

結髮為諸生即負奇男子志學必洙
功必旗常通籍司馬曹佐臬三楚分秉
憲節得壹意攄其生平盟許之素獨抗巨
璫徵車

詔獄艱苦備嘗以勒成此不朽編編成而人與
骨俱朽也司命謂何余曰天下有真不朽者
最上實名次之伯子實與名俱托是編以
光照天壤極無極而窮無窮也雖謂伯子

實用編纂修姓氏叙由

編何以實用名也。丘食憲公之實心也。食憲從業經
生雅以道德經濟自期。比筮仕職。方自公之暇。草創
是編。博採

廷謨。蒐幽索隱。斐然未裁。庚子奉

命。楚臬稍得見之。行慨然曰。教化不興。風俗不淳。用之不

實。則惟是故。于是宣

主德。開聖真。孫疲瘵。揚側陋。治本甫張。羣倫將叙。迺紹

從中作崇。公又毅然曰。螻蛄不去。嘉穀不殖。用之弗

實。則亦惟是故。益矢天日。勵冰霜。俾噉噉就鑊。生靈

脫諸湯火。狀實用之效。亦既彬彬可觀矣。獨以張讓

方熾。守忠未殲。雖百元禮。十魏公。其柰之何。揚廷之

實用編首卷

姓氏叙由

大乎號而難負之明夷。不改爰撰同志之彥。討論往

聖元經對揚

皇祖寶典。綜袞袞于衆美。別淑慝于多方。切劇融會。克成

此編。道既邁于授書。功亦亞乎演易。乃知國土之榮

轉軼蘭臺之聚。蓋以乾剛立體。發龍德于

大君。天健用時。數鳥司于百執。洵令二百四十年間。謨烈

紀綱之至。兵農風俗之變。萃宰之軌。轍道術之源。流壺

振趨類之連。敵揭立法之良規。酌古準今。犁然悉具。

豈與彼空譚清議。絢奇挾玄。而不嬰時任者。競浮尚

哉。管漢人著潛夫論。鹽鐵其績。弗敵。魏室之書。繫我

皇圖。開濟以來。代有載筆。罔不抒靈光。建公道。班班秩秩。

實同此心。矧是編也。需

聖祖心法。晰孔門正傳。固史林之玄圃。而政學之指南哉。

於戲。實不實在我。用不用在人。用而不實。君子耶。之

實。而不用。君子傷之。公第以編纂代奔走。自盡其仁

世之心。藏以待時言。而為則。儻經時。君子加志。民若

紹明先王之道者。斯言之溥利。寧惟一世是經。已耶

俾賤臣得以校讐。發粹功。既竣。爰列同事姓名于左

乃。晉申一言。於瑞。昔癸丑。星周一紀。肩吾甫。就任。書

李登 字士龍 直隸上元縣人

瞿九思 字睿夫 湖廣黃梅縣人

華鈺 字德夫 直隸丹徒縣人

何棟如 字克符 直隸無錫縣人

梁斗輝 字忠璇 廣東新會縣人

實用編首卷

姓氏叙由

李呈芬 字明晦 直隸靈璧縣人

張復 字子遠 直隸休寧縣人

劉中興 字克勤 直隸盱眙縣人

姚允恭 字寅父 直隸盱眙縣人

黃廷棟 字吉安 湖廣廣濟縣人

夏時 字時夏 湖廣黃梅縣人

魏文升 字升中 湖廣黃梅縣人

夏典 字典則 湖廣黃梅縣人

魏文常 字長卿 湖廣黃梅縣人

黃鎮中 字開畧 湖廣廣濟縣人

鄒鎮民 字元順 江西樂安縣人

替梓一人 撤玄徽 字中甫 直隸縣人

皇明經世實用編目錄

乾集一

御製心法九章

乾集二

皇明祖訓

乾集三

親賢

乾集四

天官

乾集五

地官

乾集六

實用編首卷

目錄

三

春官

乾集七

夏官上

乾集八

夏官下

乾集九

秋官

乾集十

冬官

元集一

薦舉辟召論

取士議

元集二

薦舉人物

亨集一

久任超遷論

任官議

亨集二

外任

利集一

務農講武論

重農考

利集二

經武考

實用編首卷

目錄

四

利集三

任人

利集四

導和

貞集一

正學育才論

禮學

貞集二

樂學上

貞集三

樂學下

貞集四

射學

貞集五

御學

貞集六

書學

二卷

貞集七

數學

貞集八

諸儒語錄

貞集九

正學攷

以上二十有八卷

實用編首卷

目錄

五

皇明經世實用編目錄終

編次解

自古繼世君臣不遠稽而近守何居帝王開基今古一道乃法則與世室之子若孫循其法必治廢其法必亂所從來矣矧我

太祖天縱聖神師虞周之彥垂典則以規萬世者哉臣惟君天道也太和元氣順布四時周而後始莫知其紀其卦曰乾元亨利貞故以分帙論治即管窺之昭昭以槩無窮固可觸類而長也

乾象曰天行健君子以自強不息人君氣志如神與天合德政乃有本首載

太祖心法家法本端而則善矣智臨先務惟急親賢賢親而六官之長皆民譽惟是設官分職豈以冥冥決事故

實用編卷首

次六官要務貴灼見也正心正家以正朝廷而百官萬民孰有不正者乎

元於時為春於德為仁月令出幣帛聘名士所以發潛德而起治功也故議薦舉辟召紀聘君懿蹟誠三途並進而無以風簷剿說加月旦之公評庶幾野無遺賢人思德化勃然勾萌之出達矣

亨為夏為禮于時論定任官而行爵出祿必當其位明作之化光焉為民社計長遠為人才期底績莫若久其任而勸之以超遷內外皆然而郡縣守令為尤切故以外任次任官議揭旬宣要領謂必如是乃可任乃遷也

利為秋為義秋天地始肅農事備收選士厲兵其令已

以野刑上功糾力軍刑上命糾守益詰四方之首事而
悅以先民之大端乎

太祖愍懷農桑奮揚武烈可訓可行胡置不考爰考務農
講武昭法守焉人以分之和以濟之邇其永孚于休矣
貞為冬為智及是時與公卿大夫共飭國典而羣胥子
于學居四民于邑以常德行習教事固成物之功與我
太祖令學者人占一經又以禮樂射御書數分科教試今
經則各習其詞而藝鮮兼通敘六藝補偏也道化翔洽
真才迭興申飭學官令甲具在纂儒言而鈎其玄迷國
憲而提其要

昭代之敦學爛焉蓋文史足用而貞下又起元矣嗚呼乾
德統天終古不息三五盛時治與道皆自上出君為飛
實用編卷首

龍薦且任者為見龍耕且學者為潛龍純乎乾矣其後
也孔孟程朱咸在下位上有賞罰下有是非治與道岐
為二而民不得蒙至治之澤者二千餘年至我
太祖興道致治乃復合而為一此宇宙一大運會也後人
由其法以見其心則繼往開來皆不外是豈直遵時制
已哉

扁次解終

皇明經世實用編卷之一

乾集一

肝胎臣馮應京纂輯

朱寧臣戴任校正

黃梅臣瞿九思編次

休寧臣張復參閱

太祖高皇帝御製又心法九章

擬問心

野八鄭公平問心於孔子曰聖賢君子之心何如強竊
盜賊姦人小人之心何如子曰嗚呼大哉之問心之所
以盡人同焉夫心也者中虛而不實以居神靈其神靈
之運性情思欲無所不至聖賢君子亦無間強竊盜賊
姦人小人之心是說也神靈之所以運心也且聖賢君
實用編卷一 乾集一 御製

子日夕以運之首以強竊盜賊姦人小人之所為無不
周運之所以知其干犯憲章必殛身而後已故不可為
而不為也次運廣愛仁人利濟萬物使無罪而苦者釋
有罪而脫者縛於斯之運未嘗不周流不息運之至精
知其可為而守之永久若輔人主道與則賢稱若造家
則家齊若居鄉黨則君子稱若君天下則聖人矣夫強
竊盜賊姦人小人之運首以聖賢君子之為運之見其
事幽而理秘意無常仁將謂艱為而不為不運也故以
強竊盜賊姦人小人之為日夕運之見其速答易為而
且厚特為之若輔人主則為姦貪不忠之稱殛身矣居
朋友則有小人之稱在鄉黨則有盜賊之稱齊家則無
彝倫之致彼問二心吾答以神運者何也蓋人之

多神役心非心役神也吾言若是能履吾言者子孫
十世必為侯王不歟必巨富而且安雖居貧賤亦無罪
矣若否此道者並誅戮矣若用斯言者昌不用斯言
者亡

高皇帝 臣應京謹按宇宙文明在唐虞成周之際
孔子祖述堯舜以教萬世千餘年來賢者有會其全者我
之通心也強弱明暗道體其小人之心即惟一之仁
也運之至精即惟精之智也守之永久即惟一之仁
也用斯言者昌不用斯言者亡即四海困窮天祚永
終之戒也而約其要指則神役心盡之矣臣竊思
天下重器也遠道也君心者引重致遠之車性情思
欲乃其輪軸也是車也可以行可以止可以南可以
北而神則御車之人也駕車之初必先審南北之適
也神不先定則心役神如御非其人任馬所之有適
越而北其轅者是謂神行是之謂迷途往而不返
達者傷之矣蓋自天子至於庶人同此心同此神同
此善惡兩途而其判在將發之際曾子所謂獨知孟
子所謂善利之間也哲人知幾識之於思而天下瞻

實用編卷一

乾集一

御製 二

高皇 其馬首翁失從之故
明占 與天下人心相背而馳天下于是乎去元而歸實
之心至聖而神是也以其神役心以一心之神役萬人
所以神君子獨觀本原其滋養有定力觀正人而正
上帝 論見正事又以助吾神也然欲端其對越
御照正聖任幾希之介於此決其正者即于我甚便
私以其為上帝而不欲欲也慎斯以往履康衢而臻聖
域矣其或始此悔後便離險道忽焉過我而歌行
是謂先迷後得神依然其為主矣故曰宋其不勤者
誠也感而遂通者神也動而未形有無之間幾也神
金而木知方亦能成道則車之下乘非窮神以誠
行也孔子得其神為常也師
高皇 得其神兼居師之任心既混同言何爾我非公平
者不足與語此故藉問公平託言孔子豈獨白官
神孫之法程不
甘露論

通言並有禳祥妖孽其禳祥以應善人妖孽不善
當之雖聖人微 恩婦莫不同心一志好禳而惡妖
嘉禎之心固篤為善之心不厚是以妖禳反常者有之
如其道者有之晉春秋孔子觀麟而絕筆得鳳凰來
儀天下安近代有元將末而河水清至正年間甘露降
靜思禳祥妖孽可不令人日夜憂惶所以愛惶者正為
鬼神之機人莫可測若以必妖而必禳其禍福兩忘者
有之若以禳而非我之兆或福漸臻若以妖之為害必
逼其身肯日新其已其禍消矣故前代忠臣碩士若有
妖魅之作必致君宵衣旰食以回天意若見禳祥之見
急奏恐兆他人非天恩於已也特以警省務在四海咸
安誠為良法也今洪武八年冬十一月十有八日詣齋

實用編卷一

乾集一

御製 三

宮祀

上帝於園丘當日省視壇場道經松下忽見森松極杪露
水凝枝垂懸上下有若明珠初將以為晨露未消條露
蜂交雜致吾忽然而省此必天垂甘露矣試探而啖之
入口甘如飴饒誠然天恩下墜未審禳兆何因而何人
矣特召諸臣從行者共採而食之爰勅儒臣以歌錄其
來去後不兩時人各以詩文來獻符禳稱祥者比比皆
然事屬無憂豈不賴禳以忘危乎朕所以聞祥而憂觀
禳而患以其近日以來雞鳴半夜乖逆之氣不數日見
於晨申況土木之工並作不得已而為之此皆
上帝之所惡惟恐不答心驚晝夜如履薄冰豈敢以
之降禳祥以為必然者也

時雪論

實用編卷一

乾集一

御製

四

二說皆雨雪之文言也洪武九年十一月冬深既久清
露不結河水不冰是時不正也管人有云均調四時其
機在乎生靈之主朕思之惶惶俄而風生八極雲羃長
空良久雨降自朝抵暮萬物被澤至夕翩翻飛舞雪墜
九霄曉來闢戶以觀近山玉砌遠景銀粧此天地嚴凝
之氣至矣今也時令既正仁者尤可思乎曰可所以思
者富貴貧賤當有守思之道曰守者何曰當此苦寒之
際衣單食寡者但能守饑寒而不妄爲異日安矣良人
之名出矣必由貧賤至富貴也曰富貴亦可得而聞乎
曰可且富貴者當此之際綺紈纈服紅爐暖閣重裯列
鼎若不思貧賤者無衣食之處他日必由富貴入貧賤
也此理之必然有不逃者朕聽斯言特以時記之

諭國學師徒

古今賢能首以學爲本。次特以操持輔弼其所學。斯二

事既行則善名於兩間矣然以今言之則學有先後人

實用編卷一

乾集一

御製

五

有靈愚所以曩之學者爲今之所習者師惟師者模範其志竭智中之所有發盡之良能不隱毫釐以訓所習者未聞物不一於規矩而如式人不律師教而循理以斯論之人之循理物之如式必規矩而教之者矣若師隱知晦善罔盡師禮則罪怒人神若學者非究心宵晝必欲至知而後已又將艱爲人於並者也朕所謂師必盡師者之理學必盡學者之誠物後否此責有歸焉所以學者學其所至善操者操其所不齊持者持其所真誠三者備矣奚愚頑者耶管仲尼入周廟閱西階有金人焉三緘其口斯所以戒慎妄言者如或理道之詞未嘗拘禁今去古既遠失其所傳反以此而助姦愚愚愈覺脩道之教不明也且以李思迪馬謖言之職當

道忠說

道本無心非心不道事道道事心事事心本末開張由來一乎殊形異態匿入幽微當此之際是何端的問甚事勢之浮沉漚花汎水月印湍流邇來透網掠花之蜂車渠馬足之蟻僥倖脫身於萬死迷不知其已也蜂暢鳴嗚然而翅空蟻快躍躍然而趨塵是皆墮之又墮迷之又迷孰曾量之而論擬之而疑度後先之覺乎今泛泛之徒興愛憎之勃勃起是非之翩翩反爲誠者之憂心是何持教者耶

實用編卷一

乾集一 御製

臣按道天下之美利也小用則小效大用則大效而曰有患者何迷與覺之間而已迷有二端庸惡者以私欲勝賢智者以意見勝私欲非能外道也豈豈焉國王國霸之才惜名義以鼓動天下而意在自利其身此門牆外人耳其爲道者從其資之所近有所得焉而此非彼愛同惜異或爲妙悟之士見虛光景輒爾俯視塵寰於凡範趨尺步者曰已陳腐狗何足爲也其志在空談無實而率天下以流於蕩或爲篤行之士實心實事特立於顛波之中輒自謂無上而本原茫無了微其視超脫者浸謂大言無當不知狂簡之成章也此其患在尙少爲足而率天下以拘於方凡此皆有我之見非明誠之教也易曰仁者見之謂之仁智者見之謂之智百姓日用而不知故君子之道鮮矣此老子曰天下大患爲吾有身若其無身吾有何患覺無身之妙不可名也蓋本自無身非故忘之試觀我胞胎未身道易嘗少形骸若盡道豈其亡即此身在色至而後有見諸至而後有聞見聞而黑白之辨之初固未嘗有也故曰遍化泛水月印川而黑可見得初固未嘗有也故曰遍化泛水月印川白從可見得初固未嘗有也故曰遍化泛水月印川道何可見得初固未嘗有也故曰遍化泛水月印川患也若何而愈之惟置之而論擬之而疑度後先之覺乎今泛泛之徒興愛憎之勃勃起是非之翩翩反爲誠者之憂心是何持教者耶

地神有無論

實用編卷一

乾集一 御製

有來秦者野有暮持火者數百候之條狀而歲聞井有汲者驗之無迹俄而呻吟於風雨間日悲號於星月有時似人白晝誠有應人而投石忽現忽隱現之則一體如人隱之則寂然杳然或崇人以禍或祐人以福斯數狀昭昭然皆云鬼神而已臣不敢匿謹拜手以奏時傷人乃曰是妄說耳朕謂傷曰爾何知其狀哉對曰人稟天地之氣而生故人形於並少而壯壯而老老而衰衰而死當死之際魂升於天魄降於地夫魂也者氣也既達高穹遂清風而四散且鬼骨肉毫髮者也既仆於地化土而成泥觀斯鬼魂何鬼之有哉所以仲尼不言者爲此也曰爾所言者將及性理而未爲是乃知膚耳其鬼神之事未嘗無甚顯而其寂所以古之哲王立祀典者以具有之而如是其於顯寂之道必有爲而爲夫何故蓋爲有不得其死者有得其死者有得其時者有不得其時者不得其死者何爲壯而天屈而滅斯二者乃不得其時也蓋因人事而未盡故顯且得其死者以其人事而盡矣故寂此云暮耳且前所奏者其狀若干皆有爲而作何以知之但知之者不難矣且上古堯舜之時讓位而君天下法不更令民不移居生有家而死有墓野無廢戰盡無遊竟祀則當其祭官則當其人是風雨時五穀登災害不萌乖沴不現此之謂也自秦漢以來兵戈相侵君臣矛盾日爭月奪殺人殺野鰥寡孤獨於此致有生者死者各無所依生無所依者惟即君而已歟無所依惟是恨以至於今歟者既多妙有隱